

rationes nec non maligni huius temporis inclamare inportunitates. Habebam quoque de quibusdam agere vobiscum ipse presens, que nec litteris intexere nec nuncio, etiam alicui fidelissimo, habeo aperire. Quapropter presentes fratres cum litteris meę excusationis ad vos dirigo, qui vobis suggerant: quod ad vos  
 5 non veni, non esse temeritatis, sed inevitabilis et supremę necessitatis. Noverit autem sancta paternitas vestra, quod non est homo in terra me vobis fidelior et ad omne preceptum vestrum implendum devotior; nec adventum meum ad vos aliquod posset negocium retardare, si tantum iuvarer virium validudine. etc.\*

## 64.

10 *Gregorius VII. papa Vratislao II, duci Bohemiae, asserit mitrae usum ab Alexandro II. concessum. Negotia a legatis suis non confecta curae sibi fore spondet.* *Romae 1073 dec. 17.*

*Apographum in registro Gregorii VII in tabulario Vaticano fol. 24. Lib. I, ep. 38.*

15 *Harduinus, Acta concil. VI, ps. I, pag. 1226. — Dobner, Annales Hagec. V, pag. 425. — Boczek, Cod. dipl. Morav. I, pag. 144, num. 167. — Erben, Reg. I, pag. 59, num. 142. — Jireček, Cod. iuris Bohem. I, pag. 19, num. 11. — Jaffé, Bibl. rer. Germanic. II, pag. 56. — Jaffé, Reg. pontif. 2 num. 4812.*

Gregorius<sup>a</sup> episcopus, servus servorum dei, Wratizlao, duci Boemię, salutem  
 20 et apostolicam benedictionem. Longa iam temporis intervalla transacta sunt, ex quo et nobilitas tua beato Petro,<sup>b</sup> apostolorum principi, non modicę devotionis animum spondit et studium, et tibi in apostolica sede inter cęteros principes larga benignitas, pre multis etiam singularis et egregia fuit astricta caritas. Cuius rei fidem et indicium ex benivolentia domni et antecessoris nostri Alexandri<sup>b</sup>  
 25 papę satis percepisse potes, qui petitionibus tuis nonnunquam sine sua et filiorum sanctę Romanę ecclesię sollicitudine et labore condescendit et ad signum intimę dilectionis, quod laicę personę tribui non consuevit, mitram quam postulasti direxit. Neque vero nos in nostris temporibus tantę dilectionis gratiam providente domino labefactari volumus; immo, si quid est, in quo comitante  
 30 iustitia firmiter conglutinari valeat, hoc nostra apud deum sollicitudo impetrare valde desiderat. At te quidem, erga apostolicam reverentiam quam sis in votis constans, quam in promissis perseverans, non modo pro dignitate, verum etiam pro salute tua fideliter oportet adtendere; scriptum est enim: „Vovete et reddite“.<sup>1</sup> Queę autem illa<sup>c</sup> vel qualia sint, a tui ipsius conscientia satis te commonitum

35 63. x) in sequentibus archiepiscopus papam rogat, ut contra Thuringos sibi succurrat.

64. a) rubro colore characteribus maiusculis scriptum. Epistolam præcedit hæc inscriptio rubricata: „XXXVIII. V. duci Boemie.“ — b) characteribus maiusculis scriptum. — c) scilicet: promissa.

<sup>1</sup>) Psal. LXXV, 12.

esse putamus. Causas vero et negotia, quę, in partibus illis ad audientiam discussionemque legatorum nostrorum<sup>2</sup> perlata, peccatis impediens congrua determinatione diffiniri non poterant, sicut officii nostri cura nemine nos rogante compellit, ad eum, quem iustitia postulaverit, finem adiuvante domino perducere procurabimus. Porro quę ipsi inde statuerunt, interim, donec ad nos negotia perferantur, immota manere volumus atque apostolica auctoritate precipimus. Deus autem omnipotens, qui bonorum omnium dator et auctor est, talem vos in votis vestris et actibus esse faciat, ut, cum ante cęlestes iudices, videlicet Petrum<sup>b</sup> et Paulum,<sup>b</sup> in futuro examine veneritis, nulla vos in illorum oculis, nisi quę remuneratione digna sit, conscientia denotare vel ostentare valeat. Data Rome XVI kalendas ianuarii, indictione XII.

65.

*Gregorius VII. papa Jaromiro, episcopo Pragensi, significat, Vratislao II, duci Bohemiae, quid mandaverit, eumque die XIII m. aprilis Romae esse iubet. Episcopatus Moraviensis possessiones interim tangi vetat.*

*Romae 1074 ian. 31.*

*Apographum in registro Gregorii VII in tabulario Vaticano, fol. 27. Lib. I, ep. 44.*

*Harduinus, Acta Concilior. VI, ps. 1, pag. 1230. — Dobner, Annales Hagec. V, pag. 429. — Boczek, Cod. dipl. Morav. I, pag. 148, num. 170. — Erben, Reg. I, pag. 61, num. 145. — Jaffé, Bibl. rer. German. II, pag. 62. — Jaffé, Reg. pontif.<sup>2</sup> num. 4821.*

Gregorius<sup>a</sup> episcopus, servus servorum dei, Jeromiro, Bragensi episcopo.<sup>1</sup> Quamquam inobędientia tua et culpa, quam in contemptu legatorum sanctę Romanę ecclesię perpetrasti, preces tuas, te absente et nondum parato satisfacere, recipi non meruerit, tamen ne ex apostolica, licet iusta, districtione absentationis tuę moram vel occasionem diutius defendere possis, necessitatem, qua te urgeri in epistola tua conquestus es, et impedimentum ad nos veniendi remove decrevimus. Itaque presenti auctoritate tibi restituimus et tenenda concedimus, quęcunque a legatis nostris, Bernardo videlicet et Gregorio, preter episcopale<sup>b</sup> officium tibi interdicta sunt, quoniam te, expoliatum rebus ecclesię tuę, inopia rerum necessariorum obędientiam debite satisfactionis non posse exequi, sicut supra diximus, conquerendo excusas. Atque hoc idem fratri tuo Vratislao duci per epistolam nostram notificavimus, ammonentes eum, ut de consuetis decimis et redditibus ecclesię tuę nihil in potestate sua tibi denegari patiat aut subtrahi. Ammonemus igitur et ex parte apostolorum Petri et Pauli<sup>c</sup> et nostra per eos

64. <sup>a</sup>) Bernardi et Gregorii, diac. eccl. Rom.; v. supra num. 62.

65. <sup>a</sup>) rubro colore characteribus maiusculis scriptum. — <sup>b</sup>) corr. ex řępālę titulo posteriore eraso. — <sup>c</sup>) nomina characteribus maiusculis scripta.

<sup>1</sup>) Nota salutationem non inconsulte ac fortuito ommissam.